



Odbor za dodjelu "Šestoaprilske nagrade Grada Sarajeva" u 2022. godini

Broj: 04-GV-02-215/22

Datum: 10.02.2022. godine

*ZAPISNIK O RADU ČETVRTE SJEDNICE
ODBORA ZA DODJELU „ŠESTOAPRILSKE NAGRADE GRADA SARAJEVA“
U 2022. GODINI
ODRŽANE 10.02.2022. GODINE*

Prisutni:

1. Nihad Uk,
2. Vedad Deljković
3. Drago Jurić, član
4. Toni Vukadin po ovlaštenju umjesto Almedina Miladina
5. Biljana Lazarević, član
6. Elvedin Korora, član
7. Adi Škaljić, član
8. prof.dr. Ante Domazet, član
9. Muhamed Gafić, član
10. Dr.sci. Mirsada Murtić
11. prof.dr. Ismet Gavrankapetanović
12. Igor Baroš, član,
13. Ahmed Imamović, član

Iz Gradske službe za Gradsko vijeće sjednici prisustvovali:

- Mirjana Đanović-Stanić, rukovodilac stručnih službi Gradskog vijeća
- Mila Eminović, sekretar Gradskog vijeća

Predsjedavajući je otvorio raspravu o ponuđenom zapisniku sa prošle sjednice Odbora.

Član Odbora Ahmed Imamović je iznio primjedbe na zapisnik sljedećeg sadržaja.

- Potrebno je pod tačkom Ad 2.) prvu rečenicu dopuniti tako da sada glasi: "U raspravi je konstatirano da će se doprinos kandidata Avde Husejnovića koji je predložen u dvije oblasti iz gradskog propisa, razmatrati u oblasti kulture i umjetnosti, te je poslije izjašnjavanja sa 11 glasova „ZA“, jednim glasom „PROTIV“ i jednim „SUZDRŽANIM“ glasom, konstatovano da se će doprinos kandidata Avde Husejnovića razmatrati u Oblasti kulture i umjetnosti“.

Poslije rasprave i sažetka predsjedavajućeg, Odbor je jednoglasno usvojio izneseni prijedlog za dopunu zapisnika te će zapisnik biti dopunjen kako je i predložen.

Član Odbora Ahmed Imamović je zatražio da se u zapisnik sa ove sjednice Odbora unese diskusija sa prethodne sjednice prilikom razmatranja potpunosti i blagovremenosti prijedloga podnesenog za dodjelu Nagrade Eminu Švrakiću a koja je imala sljedeći sadržaj.

Problematizirana je odluka "najvišeg organa" predlagača na način da postoji nesklad između preambule odluke u kojoj se navodi organ odlučivanja "Predsjedništvo" i datum koji ne odgovara vremenu u kojem je odluka donesena i ostatka odluke u kojoj je vidljivo da istu potpisuje i pečatom ovjerava predsjednik Skupštine.



U raspravi je prevladavao stav da nedostatnost preambule ne predstavlja eliminirajući faktor za prihvatanje prijedloga kao potpunog obzirom da se iz ostatka odluke (potpis i pečat predsjednika Skupštine) zaključuje da je donio najviši organ udruženja, tj. Skupština. Ovakav stav je izjašnjavanjem većine članova Odbora prihvaćen.

Poslije diskusije i sažetka Predsjedavajućeg, jednoglasno je usvojen Zapisnik o radu Treće sjednice Odbora za dodjelu „Šestoaprilske nagrade Grada Sarajeva“ u 2022. godini, dopunjen u skladu sa usvojenim zaključkom Odbora.

Sjednica je počela s radom jednoglasnim usvajanjem sljedećeg **dnevnog reda**:

1. Formiranje tročlane Komisije za brojanje glasova
2. Glasanje (stavljanje popunjenih glasačkih listića u glasačku kutiju – rad komisije za brojanje glasova)
3. Izvještaj Komisije za brojanje glasova
4. Utvrđivanje spiska kandidata i preuzimanje glasačkih listića za sljedeći krug glasanja (po potrebi)
5. Tekuća pitanja

TAČKA 1. Formiranje tročlane Komisije za brojanje glasova

Prije pristupanja izboru Komisije za brojanje glasova, članovi Odbora su se usaglasili da je potrebno da u sastavu bude najmanje jedan član koji nije gradski vijećnik.

Član Odbora Drago Jurić je predložio da u sastav Komisije uđe član/vijećnik Vedad Deljković. Član Odbora Vedad Deljković je predložio da u sastav Komisije uđe član/vijećnik Toni Vukadin, kao i Dr.sci. Mirsada Murtić koja nije gradska vijećnica.

Poslije rasprave i sažetka Predsjedavajućeg, Odbor je jednoglasno izabrao tročlanu Komisiju za brojanje glasova u sljedećem sastavu:

1. Vedad Deljković
2. Toni Vukadin
3. Dr.sci. Mirsada Murtić

Na prijedlog Vedada Deljkovića, članovi tročlane Komisije su uz podršku Odbora jednoglasno izabrali Tonija Vukadina za predsjedavajućeg tročlane Komisije za brojanje glasova.

TAČKA 2. Glasanje (stavljanje popunjenih glasačkih listića u glasačku kutiju – rad komisije za brojanje glasova)

Pristupilo se glasanju tako što su članovi odbora svoje presavijene glasačke listiće pojedinačno stavljali u glasačku kutiju i proces glasanja je okončan nakon što je posljednji-trinaesti član Odbora glasao, te se nakon obavljanog glasanja Komisija za brojanje glasova povukla da nastavi sa radom.

Član Odbora prof.dr. Ismet Gavrankapetanović je napustio sjednicu Odbora prije usvajanja Izveštaja Komisije za brojanje glasova.

TAČKA 3. Izveštaj Komisije za brojanje glasova

Predsjedavajući Komisije za brojanje glasova je Odboru prezentirao **Izveštaj Komisije za brojanje glasova, a članovi Odbora su isti dobili u pisanom materijalu.**

Odbor je jednoglasno usvojio Izveštaj Komisije za brojanje glasova, a isti je sastavni dio ovog Zapisnika.

Glasački listići i dokumenatacija o brojanju glasova ostaje na čuvanju u Stručnoj službi Gradskog vijeća uz ovaj zapisnik.

TAČKA 4. Utvrđivanje spiska kandidata i preuzimanje glasačkih listića za sljedeći krug glasanja

Poslije rasprave, na prijedlog Predsjedavajućeg Odbora, sa 12 glasova ZA i 1 PROTIV utvrđen je spisak kandidata po oblastima, a koje će Odbor utvrđivanjem prijedloga Odluke o dodjeli „Šestoaprilske nagrade Grada Sarajeva“ u 2022. godini uputiti Gradskom vijeću na razmatranje i to kako slijedi:

1. OBLAST PRIVREDE

Kandidat: Privredno društvo za promet i usluge „Alternativa“ d.o.o.

2. OBLAST NAUKE I OBRAZOVANJA

Kandidat: Prof. dr. Rifat Škrijelj

3. OBLAST ZDRAVSTVA I SOCIJALNE ZAŠTITE

Kandidat: Prim. dr. Željko Ler

4. DRUGE OBLASTI RADA I STVARALAŠTVA

Kandidati:

- **Borislav- Boro Kontić**
- **Mensur Bektić**

Član Odbora Ahmed Imamović je zatražio da se u Zapisnik unese njegova diskusija, a koja je imala sljedeći sadržaj.

Član Odbora Ahmed Imamović je glasao PROTIV kako bi iskazao nezadovoljstvo što nije postojala kompeticija od samog početka jer su postojale oblasti u kojima je bio predložen samo jedan kandidat.

Obzirom da su u oblasti KULTURE I UMJETNOSTI podršku većine članova Odbora dobila tri kandidata (Nermin Tulić, Avdo Huseinović i Damir Imamović), potrebno je provesti naredni krug glasanja u skladu sa Postupkom usvojenim na prethodnoj sjednici Odbora.

S tim u vezi, prisutni članovi Odbora su preuzeli nepotpisane i ovjerene glasačke listiće za naredni krug glasanja na kojima su istaknuti kandidati iz Oblasti kulture i umjetnosti koji su dobili natpolovičan broj glasova Odbora, sa uputom za glasanje.

Poslije rasprave, Predsjedavajući je konstatovao da će članovi Odbora na sljedeću sjednici donijeti ispunjene glasačke listiće tako što će glasati za sva tri kandidata na način da će kandidatu čiji doprinos preferiraju, dati 3 boda, sljedećem 1 bod, a posljednjem kandidatu po svojoj preferenci, pridružiti 0 bodova.

TAČKA 5. Tekuća pitanja

Predsjedavajući Komisije je sljedeću sjednicu Odbora zakazao za ponedjeljak, 14.02.2022. godine, sa početkom u 08.00h u Ovalnoj sali Gradskog vijeća Grada Sarajeva, ul. Hamdije Kreševljakovića broj 3.

PREDSJEDAVAJUĆI ODBORA

Nihad Uk, s.r.